

Puruṣasūktam

Om taccham yorāvṛṇīmahe |
gātum yajñāya |
gātum yajñapataye |
daivī svastirastu naḥ |
svastirmānuṣebhyaḥ |
ūrdhvaṃ jigātu bheṣajam |
śam no astu dvīpade |
śam catuṣpade |
Om śāntiḥ śāntiḥ śāntiḥ ||

Om sahasraśīrṣā puruṣaḥ |
sahasrākṣaḥ sahasrapāt |
sa bhūmim viśvato vṛtvā |
atyatiṣṭhaddaśāṅgulam |
puruṣa evedagm sarvam ||

yadbhūtam yacca bhavyam ||
utāmṛtatvasyeśānaḥ |
yadannenātirohati |
etāvānasya mahimā |
ato jyāyāgmśca pūruṣaḥ ||1||

pādo'sya viśvā bhūtāni |
tripādasyāmṛtam divi |
tripādūrdhva udaitpuruṣaḥ |
pādo'syehā'bhavātpunaḥ |
tato viṣvaṅvyakrāmat |

sāśanāśane abhi |
tasmādvirāḍajāyata |
virājo adhi pūruṣaḥ |
sa jāto atyaricyata |
paścādbhūmimatho puraḥ || 2 ||

yatpuruṣeṇa haviṣā |
devā yajñamatanvata |
vasanto asyāsīdājyam |
grīṣma idhmaśśaraddhaviḥ |
saptāsyāsanparidhayaḥ |

triḥ sapta samidhaḥ kṛtāḥ |
devā yadyajñam tanvānāḥ |
abadhnanpuruṣam paśum |
tam yajñam barhiṣi praukṣan |
puruṣam jātamagrataḥ || 3 ||

tena devā ayājanta |
sādhyā ṛṣayaśca ye |
tasmādyajñātsarvahutaḥ |
sambhṛtaṁ pṛṣadājyam |
paśūgmstāgmścakre vāyavyān |

āraṇyāngrāmyāśca ye |
tasmādyajñātsarvahutaḥ |
ṛcaḥ sāmāni jajñire |
chandāgmsi jajñire tasmāt |
yajustasmādajāyata | | 4 | |

tasmādaśvā ajāyanta |
ye ke cobhayādataḥ |
gāvo ha jajñire tasmāt |
tasmāj jātā ajāvayaḥ |
yatpuruṣaṁ vyadadhuḥ |

katidhā vyakalpayan |
mukhaṁ kimasya kau bāhū |
kāvūrū pādāvucyete |
brāhmaṇo'sya mukhamāsīt |
bāhū rājanyaḥ | kṛtaḥ | | 5 | |

ūrū tadasya yadvaiśyaḥ |
padbhyāgm śūdro ajāyata |
candramā manaso jātaḥ |
cakṣoḥ sūryo ajāyata |
mukhādindraścāgniśca |

prāṇadvāyurajāyata |
nābhyā āsīdantarikṣam |
śīrṣṇo dyauḥ samavartata |
padbhyām bhūmirdiśaḥ śrotrāt |
tathā lokāgm akalpayan ||6||

vedāhametaṁ puruṣam mahāntam ||
ādityavarṇam tamasastupāre |
sarvāṇi rūpāṇi vicitya dhīraḥ |
nāmāni kṛtvā'bhivadan yadāste ||
dhātā purastādyamudājahāra |
śakraḥ pravidvānpradiśaścatasraḥ |

tamevaṁ vidvānamṛta iha bhavati
nānyaḥ panthā ayanāya vidyate |
yajñena yajñamayajanta devāḥ |
tāni dharmāni prathamānyāsan |
te ha nākaṁ mahimānaḥ sacante |
yatra purve sādhyāḥ santi devāḥ ||7||

adbhyaḥ sambhūtaḥ pṛthivyai rasācca |
viśvakarmaṇaḥ samavartatādhi |
tasya tvaṣṭā vidadhadrūpameti |
tatpuruṣasya viśvamājānamagre |
vedāhametaṁ puruṣaṁ mahāntam |

ādityavarṇaṁ tamaṣaḥ parastāt |
tamevaṁ vidvānamṛta iha
bhavati | nānyaḥ panthā vidyate'yanāya |
prajāpatiścarati garbhe antaḥ |
ajāyamāno bahudha vijāyate ||8||

tasya dhīrāḥ pariḥānanti yonim |
maricīnām padamicchanti vedhasaḥ |
yo devebhya ātapati |
yo devānām purohitaḥ |
pūrvo yo devebhyo jātaḥ |

namo rucāya brāhmaye |
rucam brāhmaṇam janayantaḥ |
devā agre tadabruvan |
yastvaivam brāhmaṇo vidyāt |
tasya devā asan vaśe || 9 ||

hrīśca te lakṣmīśca patnyau |
ahorātre pārśve | nakṣatrāṇi
rūpam | aśvinau vyāttam |
iṣṭam maṇiṣāṇa |
amum maṇiṣāṇa |
sarvam maṇiṣāṇa || 10 ||

Om taccham yorāvṛṇīmahe |
gātum yajñāya |
gātum yajñapataye |
daivī svastirastu naḥ |
svastirmānuṣebhyaḥ |
ūrdhvaṃ jigātu bheṣajam |
śam no astu dvipade |
śam catuṣpade |
Om śāntiḥ śāntiḥ śāntiḥ | |

पुरुषसूक्तम्

ॐ तच्छं योरावृणीमहे । गातुं यज्ञाय । गातुं यज्ञपतये ।
दैवी॑ स्वस्तिरस्तु नः । स्वस्ति॑र्मानु॒षेभ्यः । ऊर्ध्वं॑ जिगातु भेषजम् ।
शं नो॑ अस्तु द्विपदे॑ । शं चतु॑ष्पदे । ॐ शान्तिः॑ शान्तिः॑ शान्तिः॑ ॥
ॐ सहस्र॑शीर्षा पुरुषः । सहस्रा॑क्षः सहस्र॑पात् । स भूमिं॑ विश्वतो॑ वृत्वा ।
अत्यति॑ष्ठदशाङ्गुलम् । पुरुष॑ एवेद॒गं सर्वम्॑ ॥
यद्भूतं॑ यच्च भव्यम् । उतामृत॑त्वस्येशानः ।
यदन्ने॑नातिरोहति । एतावान॑स्य महिमा । अतो ज्याया॑गंश्च पूरुषः ॥१॥
पादो॑ऽस्य विश्वा भूतानि । त्रिपाद॑स्यामृतं दिवि । त्रिपादू॑र्ध्व उदैत्पुरुषः ।
पादो॑ऽस्येहाऽभवात्पुनः । ततो विष्व॑ङ् व्यक्रामत् ।
साशनान॑शने अभि । तस्मा॑द्विराडजायत । विराजो॑ अधि पूरुषः ।
स जातो॑ अत्यरिच्यत । पश्चाद्भूमि॑मथो पुरः ॥२॥
तेन॑ देवा अयजन्त । साध्या ऋषयश्च॑ ये ।
तस्माद्य॑ज्ञात्सर्वहुतः । संभृतं॑ पृषदाज्यम् ।
पशू॑गंस्तागंश्चके वायव्यान् । आरण्यान्ग्राम्याश्च॑ ये ।
तस्माद्य॑ज्ञात्सर्वहुतः । ऋचः॑ सामानि जज्ञिरे । छन्दा॑गंसि जज्ञिरे तस्मात् ॥
यजुस्तस्माद॑जायत ॥४॥
तस्माद॑श्वा अजायन्त । ये के चो॑भयादतः । गावो॑ ह जज्ञिरे तस्मात् ॥
तस्माज्जा॑ता अजावयः । यत्पुरुषं॑ व्यदधुः । कति॑धा व्यकल्पयन् ।

मुखं किमस्य कौ बाहू । कावूरू पादावुच्येते । ब्राह्मणोऽस्य मुखमासीत् ।

बाहू राजन्यः । कृतः ॥५॥

ऊरू तदस्य यद्वैश्यः । पद्भ्याग्ं शूद्रो अजायत । चन्द्रमा मनसो जातः ।

चक्षोः सूर्यो अजायत । मुखादिन्द्रश्चाग्निश्च ।

प्राणाद्वायुरजायत । नाभ्या आसीदन्तरिक्षम् । शीष्णो द्यौः समवर्तत ।

पद्भ्यां भूमिर्दिशः श्रोत्रात् । तथा लोकाग्ं अकल्पयन् । ॥६॥

वेदाहमेतं पुरुषं महान्तम् । आदित्यवर्णं तमसस्तुपारे ।

सर्वाणि रूपाणि विचित्य धीरः । नामानि कृत्वाऽभिवदन् यदास्ते ॥

धाता पुरस्ताद्यमुदाजहार । शक्रः प्रविद्वान्प्रदिशश्चतस्रः ।

तमेवं विद्वानमृत इह भवति नान्यः पन्था अयनाय विद्यते ।

यज्ञेन यज्ञमयजन्त देवाः । तानि धर्माणि प्रथमान्यासन् ।

ते ह नाकं महिमानः सचन्ते । यत्र पूर्वे साध्याः सन्ति देवाः ॥७॥

अद्भ्यः संभूतः पृथिव्यै रसाच्च । विश्वकर्मणः समवर्तताधि ।

तस्य त्वष्टा विदधद्रूपमेति । तत्पुरुषस्य विश्वमाजानमग्रे ।

वेदाहमेतं पुरुषं महान्तम् ॥

आदित्यवर्णं तमसः परस्तात् । तमेवं विद्वानमृत इह भवति ।

नान्यः पन्था विद्यतेऽयनाय । प्रजापतिश्चरति गर्भे अन्तः ।

अजायमानो बहुध विजायते ॥८॥

तस्य धीराः परिजानन्ति योनिम् । मरीचीनां पद्मिच्छन्ति वेधसः ।

यो दे॒वेभ्य॑ आ॒त॒पति॑ । यो दे॒वानां॑ पु॒रोहि॑तः । पू॒र्वो यो दे॒वेभ्यो॑ जा॒तः ।
नमो॑ रु॒चाय॑ ब्रा॒ह्म॒ये । रुचं॑ ब्रा॒ह्मं ज॒नय॑न्तः । दे॒वा अ॒ग्रे तद॑ब्रुवन् ।
यस्त्वै॒वं ब्रा॒ह्म॒णो वि॒द्यात् । तस्य॑ दे॒वा अ॒सन् व॒शे ॥९॥
ही॒श्व ते ल॒क्ष्मीश्च॑ प॒त्न्यौ । अ॒हो॒रा॒त्रे पा॒र्श्वे । नक्ष॑त्राणि रू॒पम् ।
अ॒श्विनौ॑ व्‍या॒त्तम् । इष्टं॑ म॒निषा॑ण । अ॒मुं म॒निषा॑ण । स॒र्वं म॒निषा॑ण ॥१०॥
ॐ तच्छं॑ यो॒रावृ॑णीमहे । गा॒तुं य॒ज्ञाय॑ । गा॒तुं य॒ज्ञप॑तये ।
दै॒वी स्व॑स्ति॒रस्तु॑ नः । स्व॑स्ति॒र्मानु॑षेभ्यः । ऊ॒र्ध्वं जि॑गातु भेष॒जम् ।
शं नो॑ अस्तु॒ द्वि॒पदे॑ । शं च॒तुष्प॑दे ।
ॐ शान्तिः॑ शान्तिः॑ शान्तिः॑ ॥

